

आकाशवाणी

खास-खास खबरां:-

1. पच्छिम बंगाल- असम- केरलम- तमिलनाडू ते पुदुचेरी च असेम्बली चुनाएं लेई वोटें दी गिनतरी जारी- 5 राज्यें दियें 7 विधानसभा सीटें लेई उपचुनाएं तैहत वोटें दी गिनतरी बी अज्ज गै कीती जा'रदी ऐ।
2. भारत नै लिपुलेख दर्रे पर नेपाल दे दावे गी खारिज करदे होई आखेआ ऐ जे एह दर्रा ब'रे 1954 थमां कैलाश मानसरोवर जातरा दा पराना मार्ग ऐ।
3. मौसम विभाग नै अज्ज दिल्ली- हरियाणा- हिमाचल प्रदेश- पंजाब- उत्तर प्रदेश ते उत्तराखंड च गरज-चमक दे कन्नै बरखा बरने ते ऐन पौने दे असार जताए न।
4. होर्मुज दी खाड़ी च फसे दे बक्ख-बक्ख देशें दे ज्हाजें गी सुरक्षित बाहर कड्डने लेई अमरीका- प्रोजैक्ट "फ्रीडम" शुरू करोग।
5. आई.पी.एल क्रिकेट च जंदी रातीं अहमदाबाद दे नरेन्द्र मोदी स्टेडियम च गुजरात टाईटन्स नै पंजाब किंग्स गी 4 विकेटें कन्नै हराई दिता।

<><><><><><>

ते हून खबरा विस्तार कन्नै:-

<><><><><><>

Vote Counting

देशें दे 4 राज्यें- असम- पच्छिम बंगाल- केरलम ते तमिनाडू सनें केन्द्र शासत प्रदेश पुदुचेरी च असेम्बली चुनाएं दे वोटें दी गिनतरी दा कम्म अज्ज बड्डलै 8 बजे थमां

सख्त सुरक्षा बंदोबस्तें हेठ शुरु होई गेदा ऐ। सब्बनं शा पैहले डॉक राहें भेजें गेदे वोटें दी गिनतरी कीती गई ते साइडे 8 बजे थमां इलैक्ट्रिक वोटिंग मशीनं थमां वोटें दी गिनतरी कीती जा'रदी ऐ। दपैहरी धोड़ी शुरुआती रुझान मिलने दा अंदाजा ऐ। चुनास आयोग नै इनें सब्भनं राज्यें च वोटें दी गिनतरी लेई सुरक्षा दे निगगर बंदोबस्त कीते दे न। अज्ज असम दिएं 126- केरलम दिएं 140- तमिलनाडू दिएं 234 सनं पच्छम बंगाल दिएं 293 सीटें लेई वोटें दी गिनतरी कीती जा'रदी ऐ। पच्छम बंगाल दे फल्ता असैम्बली हलके लेई इस म्हीने दी 21 तरीक गी परतियै वोट पाए जाडन ते वोटें दी गिनतरी 24 मई गी कीती जाहग।

<><><><><><>

By Poll Counting

देशे दे 5 राज्यें दिएं 7 विधानसभा सीटें लेई होए दे उपचुनाएं दे वोटें दी गिनतरी बी शुरु होई गेदी ऐ। इनें 7 सीटें च गुजरात च उमरेठ- कर्नाटक च बागलकोट ते दावनगेरे दक्खन- महाराष्ट्र च राहुरी ते बारामती- नागालैंड च कोरिडांग ते त्रिपुरा च धर्मनगर शामिल न।

<><><><><><>

Foreign Minister- Nepal

भारत नै लिपुलेख दर्रे पर नेपाल दे दावे गी खारज करदे होई आखेआ ऐ जे एह दर्रा बरे 1954 थमां गै कैलाश मानसरोवर जातरा दा पराना मार्ग ऐ ते इस मार्ग परा दहाकें थमां जातरा जारी ऐ। बदेश मंत्रालय दे प्रवक्ता रणधीर जायसवाल होरें सलाना कैलाश मानसरोवर जातरा दे सरबंध्यै च नेपाल दे बदेश मंत्रालय आसेआ बन्ने सरबंधी दावें दे

बारे च मीडिया दे सोआलें दे परते च एह टिप्पणी कीती। उ'नें आखेआ जे इस सरबंथे च भारत दा रौंs सदा स्पष्ट रेहा ऐ ते एह कोई नमीं गल्ल नैई ऐ। जायसवाल होरें दस्सेआ जे भारत दा म्हेशां थमां इयै मन्नना रेहा ऐ जे ऐसे दावे नां ते न्यांsसंगत न ते नां गै ऐतिहासिक तत्थें ते सबूतें पर आधारित न। प्रवक्ता नै आखेआ ऐ जे भारत दपक्खी सरबंथें दे सब्भनै मुद्दे पर नेपाल दे कन्नै सार्थक गल्लबात लेई तयार ऐ।

<><><><><><>

Rajnath -Symposium

रक्षा मंत्री राजनाथ सिंह अज्ज उत्तर-प्रदेश दे प्रयागराज च रक्षा त्रिवेणी दे संगम विशे पर नार्थ -टैक सिम्पोज़ियम दा उदघाटन करडन। रक्षा मंत्रालय नै दस्सेआ ऐ जे एह संगोशठी- कम्मैं कारवाइएं सरबंथी चुनौतियें कन्नै निब्बड़ने लेई भलेआं अज्जै-कल्लै दिएं स्वदेशी तकनीकें दे प्रदर्शन ते एकीकरण लेई महत्वपूर्ण मंच उपलब्ध करोआग। मंत्रालय नै आखेआ ऐ जे देश भरै थमां MSME, रक्षा तकनीकें सरबंथी निजी कम्पनियां- स्टार्टअप ते फौजी कर्मियें सनें कैई प्रतिभागी इस आयोजन च शामिल होगंन। 280 शा मती कम्पनियां अपनी हालिया नमीं काहडें ते तकनीकें गी प्रदर्शित करने लेई स्टॉल लाडन। व्रंऊ दिनें दे इस कार्यक्रम दा आयोजन भारती फौज दी उत्तरी कमान- केन्द्री कमान ते भारती रक्षा निर्माता सोसायटी आसेआ सांझे तौरा पर कीता जा'रदा ऐ।

<><><><><><>

LG -Nasha Mukht

उपराज्यपाल मनोज सिन्हा होरें जंदे रोज श्रीनगर च “नशा मुक्त जम्मू-कश्मीरठ अभियान बारे इक उच्ची सतह दी समीक्षा बैठक दी अध्यक्षता कीती। उ’नें जिला प्रशासनें गी निर्देश दिते जे ओह अगले 78एं दिनें दौरान नशीले पदार्थें दे गलत इस्तेमाल पर रोक लाने ते नशीले पदार्थें दे गैर-कनूनी कारोबार दे नैटवर्क गी खत्म करने लेई इक केन्द्रित ते समेबद्ध रणनीति अपनान। हेठली सतह उप्पर शमूलियत पर जोर दिंदे होई उपराज्यपाल होरें नौजवानें- समुदाय दे लीडरें ते सिविल समाज गी शामिल करने दा आह्वान कीता। उ’नें डिप्टी कमीशनरें गी निर्देश दिते जे ओह नशीले पदार्थें दी कबैतु गी छुड़ाने आस्तै खुल्लै दे अवैध नशा मुक्ति ते आबादकारी केन्द्रें दी पंछान करियै- उन्दे खलाफ उचित कारवाई करन। एहदे इलावा उपराज्यपाल होरें अफसरें गी निर्देश दिते जे ओह औंदे बड़डे धार्मिक कार्यक्रमें गी बवस्थित ढंगै कन्नै करोआने लेई उन्नत ते व्यापक उपाऽ करन- जिंदे च सलाना श्री अमरनाथ जी यात्रा ते मुहर्रम बी शामिल न।

<><><><><><>

IMD Weather

मौसम विभाग नै अज्ज दिल्ली-हरियाणा- हिमाचल प्रदेश- पंजाब- उत्तर प्रदेश ते उत्तराखंड च गड़की-लिशिकयै बरखा बरने दे इमकान दस्से न। जम्मू-कश्मीर- लद्दाख- झारखंड- मध्य प्रदेश ते ओडिशा दे किश हिस्सें च बी ऐसा गै मौसम बने दे रौहने दे असार दस्से गेदे न। एहदे इलावा बिहार- अरुणाचल प्रदेश- असम-मेघालय- केरल- नागालैंड- मणिपुर- मिजोरम- त्रिपुरा- तमिलनाडू- पुदुचेरी- उत्तराखंड ते पच्छिम बंगाल

च बी किश थाहरें तेज बरखा बरी सकदी ऐ। आंध्र प्रदेश दे समुन्द्री कंडे आहलें इलाकें
च अज्ज गर्मी ते गुम्में आहली स्थिति बन दी रौहग।

<><><><><><>

US -Project Freedom

होर्मुज दी खाड़ी च फसे दे ज्हाजें लेई अमरीका- प्रोजैक्ट “फ्रीडम” शुरु करोग। अमरीका
दे राष्ट्रपति डोनाल्ड ट्रम्प होरें आखेआ ऐ जे इस परियोजना कन्नै सैकड़ें ज्हाजें ते
तकरीबन 20 ज्हार नाविकें गी सहायता मिलोग। सोशल मीडिया दी इक पोस्ट च उ’नें
आखेआ जे ईरान युद्ध करी ओकड़े देश बी प्रभावत होए न- जिंदा एहदे कन्नै कोई
लैना-देना नैई ऐ ते अमरीका इनें देशें दे ज्हाजें गी बंदश आले इस समुन्द्री इलाके थमां
सुरक्षित बाहर कइडने च मदाद करोग। अमरीका सेंट्रल कमान मूजब- एहदे लेई
मिसाईल नाशकें- 100 शा मते ज्हाजें ते 15 ज्हार कर्मिणं दिआं सेवां लैतियां जाडन।
ट्रम्प होरें आखेआ ऐ जे इस प्रक्रिया च रुकावट पाने आलें दे कन्नै सख्ती नै
निब्बड़ेआ जाहग। फरवरी च जंग शुरु होने दे बाद थमां ईरान नै होर्मुज दी खाड़ी थमां
ज्हाजें दी आओ-जाई गी तकरीबन बंद गै करी रक्खे दा ऐ। उत्थे गै अमरीका नै बी
ईरानी बंदरगाहें दी नौसेनिक नाकेबंदी बरोबरी जारी रक्खी दी ऐ।

<><><><><><>

US-Iran

पच्छिम एशिया च संघर्ष विराम गी लेइयै यक्को-तक्की आहली स्थिति बरोबर बनी दी
ऐ। समझौते गी लेइयै ईरान दे प्रस्ताव पर अमरीका राजी होंदा नैई लब्बा रदा।
अमरीका दे राष्ट्रपति डोनाल्ड ट्रम्प होरें इजरायली मीडिया कन्नै गल्ल करदे होई

आखेआ ऐ कि ईरान दी पेशकश उनें गी मंजूर नई ऐ। उन्दा इब्बी आखना ऐ कि ईरान गी अजें होर भारी कीमत चकानी पौनी ऐ। उन्दे इस ब्यान शा पता लगदा ऐ कि औने आहलें समें च अमरीका होर मता सख्त रौंs अपनाई सकदा ऐ। तौंआई ईरान सरकार दे प्रवक्ता इस्माइल बागेई होरें आखेआ ऐ कि प्रस्ताव पर अमरीका दी इस प्रतिक्रिया दी समीक्षा कीती जा'रदी ऐ।

<><><><><><>

NR- Vande Bharat

उत्तर रेलवे नै आखेआ ऐ जे जम्मू-कश्मीर “वंदे भारत एक्सप्रेस” गी शुरु कीते जाने दे बाद थमां गै इस रेलगड्डी गी तगड़ी ते लगातार यात्रुएं दी प्रतिक्रिया हासल होआ रदी ऐ। पैहले ध्याड़े तकरीबन 3 जहार 925 यात्रिणें इस रेलगड्डी पर सफर कीता- जिस्सलै के जंदे रोज यानि 3 मई गी एह गिनतरी बधियै 5 जहार कोला मती होई गई ऐ- जेहदे कन्नै जम्मू-कश्मीर च यात्रा दा इक लोकप्रिय ते किफायती विकल्प बनी गेआ ऐ। एह रेलगड्डी तकरीबन पंजे घैंटे च सफर पूरा करी लैंदी ऐ- जेहदा किराया- खानपान गी छोड़ियै 730 रपे थमां शुरु होंदा ऐ। अधिकारियें दस्सेआ जे एह चलन जम्मू-कश्मीर च तेज ते आधुनिक रेल सेवाएं लेई लोकें दी बधदी तरजीह गी दर्शादा ऐ।

<><><><><><>

Tourist Surge

जम्मू-श्रीनगर “वंदे भारत एक्सप्रेस” रेल सेवा दे शुरु होने कन्नै समूलचे जम्मू-कश्मीर च सैलानी थाहरें पर सैलानिणें दी आमद च बाददे दी मेद कीती जा'रदी ऐ ते इस सेवा

गी लेइयै लोके दे उत्साह गी दिक्खियै एह गल्ल सच होंदी बी नजरी आवै करदी ऐ-
पूरे भारत ते विदेशें थमां बी जम्मू ते श्रीनगर बश्कार “वंदे भारत एक्सप्रेस” दे शुरु
होने गी लेइयै- सैलसफा दे शौकीन लोके मता संदोख प्रगट कीता ऐ ते एहदे च सफर
करने आहलें खिते दे कुदरती खूबसूरती दे छलैपे ते वंदे भारत च होने आली खातरदारी
ते सुविधाएं दी मती सिफत कीती ऐ। करीब 5 घंटे दे इस सफर नै जम्मू ते श्रीनगर
बश्कार सफर गी मता सुविधाजनक- आरामदायक ते सुरक्षित बनाई दिता ऐ ते सारे शा
बड्डी गल्ल ए ऐ-जे टैम जाया होने जां रस्ता बंद होने जनेइयां दिक्कतां हून भलेआं
खत्म होई गेइयां न। इस सेवा कन्नै मते-मते लोके इस यात्रा लेई प्रोत्साहित होआ
करदे न। मंत्री सतीश शर्मा होरें मेद प्रगट कीती ऐ जे जम्मू-कश्मीर वंदे भारत
एक्सप्रेस सेवा कन्नै तौले गै जम्मू-कश्मीर च सैलानिएं दी आमद च इक बड्डा उछाल
दिक्खने गी लब्बोग।



IPL

आई.पी.एल अज्ज संजा मुम्बई दे वानखेड़े स्टेडियम च मुम्बई इंडियन्स दा मकाबला
लखनऊ सुपर जायंट्स कन्नै होग। मैच संजा साइडे 7 बजे शुरु होग। कल खेड्ढे गेदे
दंरु मैचे च कोलकाता ते गुजरात दिएं टीमें जित हासल कीती। कल रातीं अहमदाबाद
दे नरेन्द्र मोदी स्टेडियम च खेड्ढे गेदे इक मैच च गुजरात टाईटन्स नै पंजाब किंग्स
दी चार विकेटें कन्नै रहाई दिता। पैहले बल्लेबाजी करदे होई पंजाब दी टीमें 20एं
ओवरें च 9 विकेटें दे नुकसान पर 163 रन्ज बनाए जेहदे परते च गुजरात नै इक गेंद
बाकी रौहन्दे लक्ष हासल करी लैता। गुजरात दी तरफा साई सुदर्शन नै सब्भनै शा मते

57 रन्ज बनाए। गेंदबाजी च 4 विकेटां हासल करने आहले जेसन होल्डर गी प्लेयर ऑफ द मैच चुनेआ गोआ। एहदे शा पैहले कल दिनें कोलकाता नाइट राईडर्स ते सनराईजर्स हैदराबाद बश्कार मैच खेड्ढेया गोआ- जेहड़ा कोलकाता दी टीमै 7 विकेटे कन्नै जिती लैता। पैहले बल्लेबाजी करदे होई हैदराबाद दी टीम नै कोलकाता दे सामने जित लेई 166 रन्ज दा लक्ष रखेया- जिसी कोलकाता नै 18 ओवर ते 2 गेंदे च छड़ियां 3 विकेटां मोहाड़यै हासल करी लैता। उप्परोतली 5 जितां दर्ज कराने दे बाद सनराईजर्स हैदराबाद गी हार दा सामना करना पेया ऐ जिसलै कि कोलकाता दी एह उप्परोलती त्रीस जित ऐ।

<><><><><><>